

萬曆三大征考

倭下

倭去王京。屯釜山。首尾將五歲。如鷲鳥之匿形。測之者曰。倭初因糧朝鮮。故輕入不反兵。後朝鮮殘破。無見糧。倭雖六十六州。實止及中國一大省。徵輸猝難取給。且航海運糧。風不利。俟粟支一年。有進無退。或曰。沈惟敬許倭七事。約割忠清全慶三道。朝鮮王親往謝。小人辱國。所許至有不忍言者。倭坐獲全算。可無戰。或曰。倭懲平壤挫銳。借封貢以愚我。撤兵取勝十全。釜山南連對馬。北通

全慶東有東萊機張西生琳瑯五浦爲之左臂西
有安骨加德熊川森浦巨濟閑山德橋金海竹島
龍堂爲之右臂聯絡犄角可攻可守倭因講誓退
以愚我援兵盡撤乃借暎朝鮮負約杖箠立定凡
此皆倭得筴也封事旣壞丁酉二月復議用兵而
我防戍竝罷平壤南兵撤回以攻牡丹臺賞不給
鼓噪石門寨總兵王保藉忿誘殺之徵兵備使項
德楨檄止幾無子遺後募鮮應者關白發兵十三
運聲百萬清正向朝鮮僧松雲大言日本有天下

以朝鮮先驅借路。語狂諄不可聞。特以總督尚書
邢玠經畧麻貴從延綏改備倭爲大將軍而經理
朝鮮。特勅僉都御史楊鎬天津亦開府申警備。麻
將軍以五月九日抵遼陽。十八日望鴨綠東發。所
統兵止萬七千人。請濟師。經畧疏請募兵川浙并
調薊遼宣大山陝兵。朝鮮惟開山水兵一枝稍勁。
請益調福建吳淞水兵。而劉綎督川漢兵六千七
百聽防勦。與麻貴各建牙。麻將軍密報候宣大兵
至。乘倭未備。先取釜山。經畧謂一取釜山則行長

擒。清。正。走。此。奇。着。快。火。而。勢。未。可。乘。初。擬。楊。元。吳。惟。忠。分。屯。全。羅。之。南。原。慶。尚。之。大。丘。慶。州。大。將。軍。駐。王。京。居。中。調。度。而。南。原。城。圯。盡。樵。芻。不。繼。慶。尚。一。道。半。爲。賊。據。孤。軍。難。入。乃。檄。楊。元。趙。餉。整。理。南。原。吳。惟。忠。扼。忠。州。入。夏。雨。如。注。麻。將。軍。七。月。初。至。碧。蹄。計。至。王。京。去。釜。山。千。四。百。里。而。南。原。忠。州。竝。相。去。數。百。里。勢。難。趨。搗。且。行。長。營。釜。山。清。正。營。西。生。浦。如。破。釜。山。陸。路。必。由。梁。山。梁。山。西。北。有。峻。嶺。止。容。雙。馬。路。險。絕。南。有。三。浪。大。江。直。通。金。海。竹。島。

二處皆咽喉地。倭竝伏勁兵。水路必由巨濟加德安骨三處。亦咽喉。加德安骨有倭船鱗次。巨濟尚無兵屯。此應先據。恐一過梁山三浪江。倭水陸各一枝。在梁山東西扼險。吾後無應援。再益以機張等兵自東來。益不可當。如破清正。陸路自西而東。則由東萊機張自北而南。則由慶州蔚山。此路東南大海。西北山嶺稻田。止可用步兵。水路必自東而西。由長鬐甘浦開雲。長鬐水兵極單弱。倭所依者水。而水戰不利。正兵須東西各水兵一枝牽其。

回顧陸兵方可衝突。仍一軍屯南原。捍全羅。一軍屯大丘。扼慶尚。一軍屯全慶中。如晉忠宣寧爲中堅。然後分向釜山。機張。兩陸路。水兵東西四面齊發。此正着。而兵糧不齊。難輕動。疏聞。

上論與經理圖進止。大學士張位等請於開城平壤。開府屯田。西接鴨綠。旅順之師。東爲王京烏嶺之援。因山鼓鑄以資軍興。又言招南兵。不若求南將。傳示朝鮮。其王虞。中朝吞併。乃疏稱朝鮮舊有三都。漢城。開城。平壤也。今竝殘破。所居漢城亦。

荊棘未除。小邦形勢。全慶二道爲重。慶尚門戶。全羅府藏也。無慶尚。則無全羅。無全羅。則雖有他道。終無所資。以爲根本。斯乃倭所必爭。我所必守。倭若據全羅。則遠之西海。一帶近之珍島。濟州。皆爲窟穴。縱橫無所不通。便風一二日。抵鴨綠。卽開城。平壤。不足爲固。往在壬辰。倭陸抵平壤。又從水犯全羅。繞出西海。幸舟師扼於閑山島。今倭據慶尚。左右道。而釜山西生浦。爲其巢穴。對馬釜山間。海洋數百里。爲其糧道。得於慶尚。要害設險。屯積兵。

本州終不
肯打

餉時以輕兵相機攻剿從陸地以蹙其勢而又以利艦銳卒出沒海上邀截其後庶幾有濟若屯田則地土嶢嶢終不如南方議遂寢六月以來倭數十艘先後渡海分泊釜山加德安骨等窟放丸如雨殲朝鮮郡守安弘國已復往來竹島漸逼梁山熊川初沈惟敬率營兵二百出入釜山宜寧與倭合揆事不諧便舉足入倭經畧向切齒謬爲慰藉惟敬漸移南原去釜山七百里經畧卽以屬楊元先假更換撤其營兵後惟敬聞

平沈體敬

開山一書
倭時復燃
矣

上罪石司馬而倭酋平調信益兵進犯乃爲赴宜
寧會行長之說暗欲走倭調信果於六月以倭五
百來迎楊元聞卽襲執之惟敬執而倭嚮導始絕
倭已奪梁山占三浪則遂入慶州侵開山七月十
五夜襲茶川島統制使元均風靡遂奔開山要害
倭駐巨濟開山島在朝鮮西海水口右障南原爲
全羅外藩一失守則沿海無備天津登萊皆可揚
帆而我水兵止浙三千甫抵旅順經畧檄且哨且
行赴開山協守開山破則守王京以西之漢江大

征考

同江扼倭西下兼防運道而倭隨於八月十二日
圍南原南原守將楊元本債帥無固志十六日夜
倭猝乘城元驚起帳中跣足遁時全州有陳愚衷
忠州有吳惟忠各扼險而全州去南原百餘里勢
相犄角愚衷初至州無斗糧及勘十里外山寨中
多貯米豆弓矢蓋朝鮮苦我兵甚於倭不欲在州
遠貯山谷者恐倭至反爲寇助也南原告急愚衷
懦不發兵聞已破而州民爭竄奔城去麻將軍急
遣遊擊丁伯英赴援與愚衷合兵屯公州倭遂犯

全羅通王京。王京爲朝鮮八道之中。東隘爲鳥嶺。忠州西隘爲南原。全州道相通。自二城失。東西皆倭。我兵單弱。因退守王京。依險漢江。麻將軍日夜造筏通我師防。倭暗襲而發兵守稷山。朝鮮亦謂都體察使李元翼由鳥嶺出。忠清道遮賊鋒。經理身赴王京。躍馬諭以死守。人心始定。嗣是九月。副將解生遊擊牛伯英頗貴於稷山水源。設伏各有斬獲。叅將彭友德等亦報追倭至青山。獲級百十六。軍聲益振。經畧乃移郎中董漢儒屯義州。海防

使蕭應宮屯平壤。又聲言調南北水陸兵七十萬。旦暮至。福廣浙直水兵直搗日本。倭聞風遂不敢進行。長奔井邑。離王京六百里。清正踰竹嶺奔慶尚。離王京亦四百里。十一月。經畧渡鴨綠。二十九日。抵王京。共議進勦。而所謂宣大延浙諸勝兵竝集。乃分三協。左李如梅。右李芳春。解生中。高築竝以副總兵分將。時監軍爲御史陳效。

上復賜經畧尚方劍。重事權。經畧計令麻將軍同經理督左右協。自忠州島嶺向東安。趨慶州。專攻。

清正恐行長自西來援令中協兵馬近宜城東援
兩協西扼全羅援倭又于三協中摘馬兵千五百
同朝鮮合營由天安全州南原而下大張旗鼓詐
攻順天等處以牽行長我師陸路粗備獨水兵屢
檄不至既大聚兵經畧與麻將軍於十二月二十
日會慶州探倭屯蔚山蔚山之南島山竝不甚高
而城皆依山險中一江通釜寨其陸路則由彥陽
通釜山麻將軍欲專攻蔚山恐釜倭由彥陽來援
令中協高策吳惟忠等扼梁山左協董正誼等赴

南原張疑又遣右協盧繼忠兵二千屯西江口。防水路。援於二十三日。從蔚山進攻。遊擊擺賽以輕騎誘倭入伏。獲級四百餘。倭盡奔島山。於前連築三寨。翼日遊擊茅國器統浙兵先登。連破之。獲級六百六十一。倭堅壁不復出。島山脉蔚高。石城新築。堅甚。我師仰攻。多損傷。諸將曰。倭艱水道。餉難繼。第圍守之。清正可不戰縛也。綢理以爲然。分兵圍十日夜。倭至。嚙紙充饑。飯先川礮者。倭從隙用礮發。命中。彈皆碎鉄爲之中。多疊雙。瞰我師稍息。

是役功重
就矣而以
倉皇復敗
敗局

伴約降緩攻而行長來援行長亦慮我襲全營止
選銳倭三千虛張幟蔽江上是時戊戌正月三日
經理聞報卽倉皇撤兵倭襲兩協奔輜重無算經
畧乃移各兵回王京圖再舉而贊畫主事丁應泰
疏劾經理楊鎬喪師黨欺

上罷鎬命兵科左給事中徐觀瀾往勘併勸大學
士張位閑住以仇密揭薦鎬奪情破倭令乃朋欺
債事故也經畧以前役缺水兵無功乃益募江南
水兵講海運爲持久計二月別將陳璘以廣兵劉

網以川兵鄧子龍藍芳威以浙直兵先後至而天津巡撫都御史萬世德代楊鎬或語經畧朝鮮地里隔越山水險阻兵聚一處難以成功不若因地分任人自爲戰守經畧然其謀分三協爲水陸四路路置大將中路李如梅東路麻貴西路劉綎水路陳璘各守信地相機行勦時倭盤據朝鮮七年沿海千餘里亦分三窟東路則清正據蔚山自去冬攻圍益增築西生機張在在屯兵而恃釜山爲根本西路則行長據栗林曳橋建堅砦數重憑順

天城與南海營相望。負山襟水。最據扼塞。中路則石曼子據泗川。北特晉江南通大海。爲東西聲援。蔭摩州兵剽悍。稱勁敵。而行長水師番休濟餉。往來如駛。尤倭繫重。經畧懲島山之失。特於三路外。置水兵一路。約日竝進。而中路李如梅尋調遼帥。以董一元代。九月二十日。分道進兵。劉綎逼行長營挑戰。奪倭橋。斬級九十二。驅入大城。陳璘舟師協堵。擊燬倭船百餘。所貴抵蔚山。與清正對壘。據險割其糧稻。焚溺甚多。董一元進取晉州。拔望晉。

乘勝渡江南。連毀永春。昆陽二寨。倭退保酒。勝老
營。鏖戰下之。遊擊盧得功。殲于陣。得級九十二。前
逼新寨。三面臨江。一面通陸。引海爲濠。海艘泊寨
下。以千計。築金海固城。爲左右翼。中通東陽倉。十
月十一日。董將軍一元。分派馬步協攻。步兵遊擊
茅國器。彭信古。葉邦榮。三營前攻城。騎兵遊擊
三聘。馬呈文。師道立。柴登科。四營後應。步兵遊擊
藍芳威。攻東北水門。副將祖承訓。嚴攻。圍自辰至
未。彭信古用大槓擊寨門。碎城垛數處。步兵齊至。

又矢此者

壕砍護城柵湧入。忽營中槓破。火藥發。烟漲天。倭乘勢衝殺。固城援倭亦至。我師騎兵先潰。遂奔還晉州。經畧查叅。詔斬馬呈文郝三。聘以徇。彭信古等充爲事官。董一元革宮銜。降府職三級。各戴罪立功。而朝議以師久無功。汹汹撤兵。大學士趙志臯請令總督歸鎮制虜。以東方事專委新經理萬世德。量留兵將分布。

上令府部九卿科道集議。兵科都給事中張輔之御史于永清等疏爭。乃一意進勦。會福建都御史

圖利東便
勢如破竹

金學曾報平秀吉七月六日死。各倭酋業有歸意。我師因水陸乘勢夾擊。捷音日至。十一月十七日五鼓。清正發舟先遁。麻將軍貴遂入島山西浦。劉將軍綖因倭詐降。夜半攻其不意。遂奪曳橋。獲級百六十。石曼子引舟師救行長。遇陳將軍璘。半洋邀戰。行長乘小艇逸。倭泊露梁。尚數百艘。氛甚惡。陳將軍璘統蒼吼船追擊。并焚死石曼子。得級三百二十四。水爲赤。副將鄧子龍。朝鮮統制使李舜臣。衝鋒陣亡。南海蕩平。倭遁錦山。殲焉。而董將軍

一元則報據浙兵遊擊茅國器稱叅謀史世用持
經理論文往有石曼子川事郭國安內應石曼子
遵諭先撤各奔潰東征始結局云捷聞

上發帑金十萬兩犒賞丁應泰再疏賂倭賣國
上念將士冲冒矢石特諭優叙應泰回籍聽勘東
征勘功改給事中楊應文是歲己亥播州復用兵
劉綎督川兵先發麻陳董三帥並檄回以李承勛
充禦倭總兵督留戍萬五千人前後生擒倭六十
以四月十八日朕倭平秀政平正成並梟磔傳

九邊七月給事中楊應文勘東征功次共四路擒斬倭二千二百四十八宣捷祭告郊廟如例因題叙四帥首陳璘次劉綎又次麻貴而董一元始破三寨終掃諸巢功亦難泯

上晉邢玠太子太保廕一子錦衣世指揮僉事

賜全蟒萬世德陞右副都御史廕一子入監陳璘劉綎各加都督同知麻貴右都督廕一子世指揮僉事正千戶有差董一元准復職仍竝給金幣部同董漢儒王士琦梁祖齡等各加賞并賜兵部

尚書田樂金璘。廕一子入監。兵科都給事中張輔
之。職方郎中楊應聘。竝優擢。再叙稷蔚功。賜茅
國器。陳寅。彭友德等金。前經理楊鏞。以原官叙用。
已復念御史陳効。殞命絕域。廕一子錦衣。而弃師
楊元。通倭沈惟敬。先後弃市。久之。經畧疏稱。留戍
缺餉。戶部尚書陳渠議。天朝七八年來。所費本
色。百萬折色。四百餘萬。朝鮮辦餉。方可議戍。刑部
尚書蕭大亨。議關白死。清行二首貳。倭未能糾眾
再來。惟對馬窮倭。苦難資生。必肆掠。况昔年金山

爲倭戶住種。似屬必爭。計留兵萬五千。歲費不下三十萬。應從長計處。而廷臣議留十三。議撤十七。庚子三月。朝鮮王請留水兵三千。止認本色口糧。是歲八月。遂得旨。盡撤。經理疏善後八事。一選將。以朝鮮右文。將宜傳采。一練兵。麗人驚悍。耐寒苦。而長衫大袖。非甲冑制。一守衝要。朝鮮三面距海。釜山與對馬相望。揚帆半月可至。東人機張蔚山。西入閑山唐浦。塗所必經。我登釜山。瞻望如指掌。而巨濟次之。宜各守以重兵。一脩險隘。朝鮮王

京北倚叢山。南環滄海。稱四塞。而忠州左右。鳥竹
二嶺。羊腸繞曲。真所謂一夫當關。萬人莫踰。向倭
守此防我南渡。而副將吳惟忠孤軍久戍。倭不敢
窺。皆得地利也。今營壘遺址尚存。亟加脩葺。一建
城池。朝鮮八道。十九無城。以避地爲便。而平壤西
北。鴨渚二江。俱南通海。倘倭別遣一旅。占據平義。
則王京聲援既絕。腹背受攻。一造器械。倭戰便陸。
不便海。以船制重大。不利攻擊。今准福曉造千百
艘。爲奇兵。而添造神機百子火箭。一訪異材。朝鮮

俗貴世官。賤世役。如錚錚自負。不宜一切錮之。一
脩內治。國家東南臨海。登旅門戶。鎮江嚆喉。應
援宜添不宜撤。自此以後。對馬島倭梟智正。稱倭
將平調信。島主平義智意。時刷還所擄請和。蓋對
馬地竝山岡。不產五穀。向資食米。朝鮮自侵掠後。
絕關市。生理薄。百計脅款。朝鮮王請裁。天朝且
乞量發水兵。協防。不許。丙午冬。家康復奉朝鮮書。
勢尋盟。并縛送據王京時。發掘朝鮮先王丘墓賊。
僧松雲。往探家康云。壬辰。身在關東。不預兵事。關

倭對底不
元貢

東卒無一渡海而朝鮮還人報項倭諸島築城對馬島以主和事獨獨役倭言和事不成則六十六州半築城半往戰朝鮮朝鮮王以聞

上諭加意偵防而對馬遂私款不絕後三年己酉

朝議允于釜山港開市本島商船歲以二十爲

率事竣卽回海上嚴飭舟師以待是歲倭并琉球

虜其王聲取鷄籠淡水侵閩廣又三年壬子冒琉

球貢海上明年癸丑平義智遣釜山市倭齎書索

添船并請貢路詔申飭海防又三年丙辰倭犯

二行長等
宋

南鹿外洋。閩來告急。已而寂然。初平秀吉將死。令源家康領東北三十三州。輝元領西南三十三州。協輔七歲孤秀賴。有首景勝叛據關東。家康悉兵擊破之。盡誅其黨行長等。併敗輝元。尊國政。秀賴因娶家康孫女。而薩摩州兵最勁。太守平義弘稍與頡頏。及家康老。兩酋幾不相下。近聞家康物故。自長岐島外。盡與其子爲難。勢且中變。往丙午。朝鮮偵報家康已代秀吉爲王。盡反前轍。迨丁未。云家康傳位其子秀忠。稱新關白。移秀賴于大坂。止。

給廩食。頃歲復以兩酋吞攬來報。然竟未審情寔。
大抵關白如漢大將軍號得主其國。而山城君卒。
奉不治事。此倭俗從來遠琉球。亦我屬國。在海外。
與朝鮮形稍殊。自併琉球後。倭於海上。駭駭震鄰。
矣。而我瀕海奸民。闖出日衆。勾通之漸。識者慮焉。
或言倭急貢。以刀扇小物。規大利。唯申海禁。遵。
祖訓。絕勿與通。倭入犯。眎風。風自東北。則犯大小。
琉球。風自正北。則犯廣東高肇。風自東北。則犯福。
建。台溫。風自正東。則犯浙直。風自東南。則犯淮揚。

八兩譯畫
地形勢

登萊風自正南則犯遼陽天津若朝鮮折而入于倭王京之漢江不三百里入海可窺江淮平壤之太同江不三百里入海可窺登萊義州之鴨綠江不百里入海可窺天津而陸由義州窺遼陽曾不尺咫往贊畫劉黃裳疏曰遼東一溝外卽虜一江下卽倭可寒心哉可寒心哉以余觀倭相持釜山前後用兵大類持重我以樓船橫海之師四將軍二十六偏裨費金錢數百萬竟收功一死關白天方贊我倭小醜何能爲一時文武大吏幾貪天功

矣。差強人意。唯平壤一捷。而卒以封貢敗。豈所謂
進銳退速者耶。

外史氏曰。今稱倭強大與虜埒。然倭以海爲穴。奔
險爭衡上國。於勢不順。而智多出于蠶食。往嚙朝
鮮。中朝經畧數歲。訖不得要領。或謂關白忌清
正世臣。借兵事出之全慶間。姑翼以弄臣行長。坐
是欵戰互異。不其然與。琉球受脅。而閩浙爲震動。
將憂豈在朝鮮也。余嘗策倭非有大志。必不越海
生心封畧。唯窮島素艷。我子女玉帛。而奸氓又潛

名

為勾引鉞而走險憂方大耳海禁萬不可弛人亦
有言急之適以生變緩急操縱消爨未形在當事
善自為謀矣

播州

播州古夜郎且蘭地。漢始受纓縻屬牂牁郡。唐貞觀初分牂牁北界置郎州。領六縣。已改爲播州。乾符三年南詔寇陷。太原楊端應募決焚賊。白錦出奇兵擊定之。授武畧將軍。值唐亂留據。長子孫歷宋附屬稱外臣。大觀三年以楊文貴納土置遵義軍。元世祖授楊邦憲宣慰使。賜子漢英名賽因不花。封播國公。國初楊鑑內附。改播州宣慰使司。隸四川。其域廣袤千里。介川湖貴竹間。西北塹山。

爲關東南俯江爲池。蒙茸鑊削。居然奧區。領黃平。草塘。二安撫。真播白泥。餘慶重安。容山六長官司。統七姓爲田。張。袁。盧。譚。羅。吳。世爲目把。大事諮決焉。田係思州宣慰裔。永樂改土爲流。族多入播。張亦龍虎山舍餘。與楊世姻婭。嘉靖間。楊相寵廢子。煦欲奪嫡。嫡妻張與子烈擁兵逐相。走永西客死。水西宣慰安萬鎰挾奏。索水煙。天旺地聽還葬。烈卽應龍父也。自烈仇殺長官。相攻剽垂十年。總督侍郎馮岳討平之。應龍生而雄猜。尤阻兵嗜殺。隆

慶六年襲職以兵積勞從征喇麻諸番先登多斬獲從征九絲賦乃卻敵捕虜亡筭從征楊柳溝卻敵先登斬首數十級先後賜金幣揚揚意得萬曆十三年進大木六十本助工

上特給大紅飛魚服加職級應龍窺蜀兵弱每征討止調土司而蜀將或從借級漸驕塞輕漢法所居僭飾龍鳳擅用閹侍嬖小妻田蚩鳳疑嫡妻張奸淫出之已飲田氏兄所乘醉封刃取張併母首屠其家是歲萬曆十五年也應龍在州專酷殺樹

從來黔蜀
兩省事多
異同

威有小駭。眈卽戕害。人人惴恐。初惑七姓。虐所屬黃平等五司。久而覺其欺。稍奪之權。七姓遂反噬。應龍疑衆不附。益結關外生苗爲翼。肆行劫掠。十七年。所部何恩。宋世臣等。及張氏叔張時照。上飛文告龍反。巡撫貴州都御史葉夢熊疏請大征。而蜀三面隣播。士大夫率謂播僻處西南隅。屬夷以十百數。皆其彈壓。兵驍勇。數赴川貴軍門。調有微勲。剪除未爲長策。以故蜀撫按並主撫。而黔主勦。朝議乃行兩省會勘。應龍願赴蜀。不赴黔。二十年。

逮詣重慶對簿。繫論法當斬。請以二萬金贖。御史
張鶴鳴方駁問。會倭大入朝鮮。羽檄徵天下兵。應
龍因懇辨。願自將五千兵報効。詔可。釋回播啟
行。尋報罷。巡撫四川都御史王繼光至。嚴提勘
結。遂抗不復出。蓋應龍居恒負固。驕蹇如天帝。已
淹繫一獄。吏得挫辱之。重索金錢上下。輕重萬端。
殆不可堪。龍自謂前後頗有功于漢。繫七姓實隸
我。在夜郎君長。何得坐殺其屬。亦何至爲漢法急
持助。若屬與我爲難也。以是一脫縶。輒颺去。不欲

就吏而張時照等復詣奏。闕下。巡撫王繼光乃
一意主剿。尋得旨。戒以貪功妄殺。二十二年春。
王正月。繼光馳至重慶。與總兵劉承嗣議分三軍。
以都司王之翰一軍。軍川北。由永寧緝麻入。叅將郭成
兵。曹希彬一軍。軍川北。由永寧緝麻入。叅將郭成
一軍。軍川東。由安穩松坎入。三道竝進。前指婁山
等關。屯白石口。應龍祥令黨穆烱等約降。因統苗
兵據關衝殺。萬弩齊發。之翰軍覆。餘殺傷大當。會
巡撫繼光論罷。卽撤兵。委弁鎰重畧盡。黔進師協。

助亦無功。御史薛繼茂乃旋主撫。應龍因上書自白也。而蜀御史吳禮嘉劾郭成等失律。

上謂本酋朝廷原無意必誅。大兵一至。應自縛軍門請死。今御史報與本酋奏辨。順逆懸殊。行嚴查奏。毋姑息。郭成等革任立功。移蜀新撫臣譚希思。星馳赴任。與劉承嗣同貴州撫鎮。相機征勦。頃之承嗣以疾乞骸骨。兩省議無堅決。詔遣兵部侍

郎邢玠總督。以車駕。郎張國璽主事。劉一相贊畫。會應龍屬攜黃白金入燕行間。爲原奏何思執詣

楊育之反
卒由好亂
者播成之

秦江縣乙未正月，御史王慎德上書，因稱贊畫
可罷。既，總督乘傳至，察永寧、西陽、望馬千斛，皆與
龍通姻媾，而黃平、白泥諸司久爲僥倖。計先剪其
枝黨，以檄曉譬，應龍大畧稱引，李劉王杲事，宣
國威稜，龍來當待而不死，不者，國家懸萬金購
而頭。若早爲計，吾不而欺也。當是時，七姓唯恐龍
出，得除罪，而四方亡命闕匿其間。又幸龍反，因以
爲利。縣道文移，輒從中阻。總督復使詣龍，所問狀
檄，撒綦江、烏江兵，諭秦民勿擾龍，漸有悔心矣。會

原在兵部
不所最優

水西宣慰安疆臣請父國亨卹典兵部尚書石星
手札示疆臣趨應龍就吏得貰罪時御史吳禮嘉
以水西與龍世好心疑之疆臣益自厲奉札至播
招應龍低回久之而驛報重慶王太守且至王太
守上琦多大畧總督特檄詣碁江趨應龍安穩聽
勘太守屬碁江令及經歷李應春遊擊吳文條前
往宣諭應龍乃令其弟兆龍等至安穩治郵傳儲
侍郊迎叩頭致餽資鎮率如禮曰應龍久縛渠魁
待罪松坎所不敢妄安穩以安穩故多奏民也使

君幸枉車騎臨覬松坎敬布腹心綦江令具言太守曰松坎亦曩奏勘地也卽以五月八日單騎往松坎應龍果面縛道周泣請死罪膝行前席叩頭流血請得比安國亭國亭曩亦被訐懼罪不出界上今安穩乃綦江所部地廣大請治公館執罪人及罰金獻庭中太守爲請總督委兩贊畫及道府竝以七月廿四日詣安穩應龍囚服郊迎蒲伏縛獻黃元阿羔阿苗等十二人案驗抵應龍軌以夷法得論贖輸四萬金助採木仍革職子朝棟

以土舍受事。次子可棟。羈府追贖。黃元等梟斬重慶市。總督以聞。是時倭氛未靖。大司馬欲緩應龍文罔。專事東方。

上亦念應龍向積勞。可其奏。蜀兩臺因議以黃平草塘白泥。餘慶重安五司。暫改屬黃平倅。故事。黃平倅治獄訟賦稅。而五司襲替貢馬表箋。須宣慰印符宣慰。多以此難。五司故也。初川東兵備巡播州。殿最土吏。給事中陳尚象疏如舊便。總督請于桐梓婁家丁山赤水間。設撫夷同知。東溪巡司。移

置松坎。竝允從論功賞。賜總督邢玠以下金。加玠右都御史。歸朝。重慶守王士琦卽陞川東兵備使。彈治之。應龍再及寬政。乃益怙終不悛。每忿五司七姓。奴輩窘我。必盡刀俎釋忿。而次子可棟尋死重慶。則益心痛。分遣夷目置關據險。僭立巡警。江內七牌。江外四牌。搜戮奏民。劫掠屯堡。無虛日。厚撫諸苗。用以摧鋒。名硬手。州人稍殷厚者。因事誅之。沒其家。以養苗。諸苗人願爲出死力。丙申秋。勞餘慶土吏毛乘雲棺。殊其屍。已又掠石阡大

都壩焚劫餘慶草塘二司。遍及興隆偏鎮都勻各
衛。已又遣兆龍引兵圍黃平。戮及重安司長。張
熹家。明年丁酉春三月。流劫江津縣及南屏。七月
臨合江。索其警。袁子升縋城下。割之。十一月石
砭宜撫司土舍馬千駟入播。先是千駟謀與應
龍私。罩寵千駟謀奪長子千乘爵。於是勝應龍次
女爲繫援。因緣朋好。所從來矣。明年戊戌。兵備使
王士琦調征倭。應龍益統苗兵。大掠貴州洪頭高
坪新村諸屯。已又侵湖廣四十八屯。阻塞驛站。調

德惡之罪
亦通天矣

征考

卷四

七

原奏警民宋世臣父鑒及羅承恩等事家匪偏橋
衛城襲執指揮陳天寵等大索城中得鑒承恩及
子女慘戮以殉。令諸苗對父奸女。百夫淫妻。或裸
體坐木。叢射笑樂。或燒蛇從陰入腹。人蛇俱斃。又
掘墳墓焚屍。灰飛蔽天。巡撫貴州都御史江東之
等疏請防禦。詔令擒獻惡目正法。巡撫四川都
御史譚希思御史趙標請於合江綦江各置遊擊
一員。合江募兵千二百名。扼閘門。綦江募兵二千
名。扼安穩。部覆如議。而經歷潘汝賢好談兵。黔撫

奇其意。明年己亥二月。令同都司楊國柱指揮李廷棟部兵三千往勦。應龍遣朝棟帥兆龍何漢良等迎敵於飛練堡。我師奪獲三百。落賊。佯走天邦。圍誘罷我師殲之。楊國柱罵賊不屈。竟脅跪斬。與汝資等俱死。於是黔撫臣坐浪戰罷。以郭子章代而蜀巡撫改總督。特起前都御史李化龍兼兵部侍郎。節制川湖貴三省兵事。是時東征業已完局。因移劉綎督兵還蜀。議大征。總督於五月終馳至蜀。卽請設標兵。益調募浙閩滇粵將士。先檄總兵

萬、登、自、松、潘、移、重、慶、并、調、集、鎮、雄、永、寧、各、漢、土、兵、
設、防、六、月、初、應、龍、乘、我、師、未、集、大、勒、兵、犯、綦、江、分、
屯、赶、水、鑑、兒、岡、遣、婁、國、等、以、偏、師、一、犯、南、川、一、犯、
江、津、其、子、朝、棟、守、沙、溪、緝、麻、山、防、永、寧、宣、撫、與、貴、
州、十、七、日、遊、擊、張、良、賢、遇、賊、舊、東、溪、頗、有、斬、獲、廿、
一、日、黎、明、應、龍、督、苗、兵、圍、綦、江、城、數、匝、遊、擊、房、嘉、
寵、誤、蕪、火、磚、反、傷、城、上、兵、賊、乘、勢、登、城、嘉、寵、率、師、
巷、戰、蜀、兵、爭、譟、走、水、上、乃、先、殺、其、妻、與、良、賢、赴、敵、
死、應、龍、因、切、令、縱、囚、焚、掠、綦、江、失、守、則、賊、勢、如、出、

柳乘勢長驅計半日可抵重慶重慶失則蜀門戶
去矣而賊方出綦江庫犒師依倉就食盡取貲財
子女去老弱者殺之投屍蔽江下水爲赤退屯三
溪以綦江之三溪毋渡南川之東鄉壩立石爲橋
界號宣慰官莊聲言江津合江皆播故土統兵清
理遲回累日總督乃得日夜徵調漢土各兵守渝
城獲奸細十六人沉于河分戍南川合江瀘州勢
漸張賊亦遷延不進初賊本無意射天徒以安忍
猖狂既覆我師飛練則騎虎勢不終下益結九股

所謂弄兵
原六騎
預焉

惡苗及紅黑脚等苗。負險弄兵。然猶時冀我如往。
局曲赦。未敢鼓行深入。止言爭界給葬。并索奸奴。
而總督因我援師未集。蜀人畏賊如虎。成都兵甫
出門。卽欲投錦江。不肯東。亦時時移文詰責。示無
遠絕。意計以緩賊。賊果具文求撫。不復西向。總督
亦謬作好語縻之。止駐會城調度。示賊無張皇。已
上聞破碁江。追禡兩省撫臣譚希思。江東之各爲
民緹騎。逮兵備使王貽德。賜劍懸賞。嚴旨進勦。
總督益調沿江南兵。及武岡麻陽兵。移粵西總兵。

陳璘、鮑、湖、廣、駐、偏、橋、貴、州、總、兵、童、元、鎮、駐、平、越、專、
候、大、舉、已、劉、將、軍、綏、以、十、月、至、蜀、總、督、亦、就、近、移、
重、慶、而、賊、微、聞、

上、無、意、肆、救、益、結、生、苗、大、治、扼、塞、以、黔、兵、弱、時、偵、
謀、黃、平、平、越、間、總、督、前、檄、水、西、兵、三、萬、守、黔、省、斷、
招、苗、路、十、一、月、應、龍、乃、屯、官、壩、聲、窺、蜀、已、遂、焚、東、
坡、爛、橋、楚、黔、路、梗、已、又、出、掠、偏、橋、興、隆、鎮、遠、諸、衛、
接、取、九、股、生、苗、平、越、新、添、黃、平、龍、泉、所、在、告、急、黔、
危、於、累、卵、總、督、以、偏、隆、間、東、坡、爛、橋、重、安、三、處、實、

楚黔滇要害。一爲賊據。則楚不得入黔滇。不得出楚。將無黔且無滇。議置勁兵萬餘。通道因疏叅黔帥童元鎮擁兵銅仁不前。

上怒逗遛革職立功。以李應祥代。而故總兵沈尚文。且緹騎逮治也。劉綎亦以赴師踰期充爲寧官報効。

上以楚地遼濶。偏橋旣設。總兵仍以文臣特開府。眎師廷推江鐸往。是時徵兵膚至。總督大頒賞格。爲諭苗雜言。廣招慰。賊黨頗携。明年庚子。正月五

日應龍勒兵數萬五道並出攻龍泉司守備楊惟
中擁兵二千以勢不敵先期托言議事往鸚鵡溪
止土官安民志部卒五百拒守被擄吏目劉玉鑑
妻子竝死于賊龍泉係思南石阡咽喉一失則婺
川孤懸賊方移兵進攻聞蜀金竹官壩警檄回不
果金竹官壩南川信地也正月二日石砭宣撫馬
千乘軍鄧坎賊乘懈於三更時衝刼我軍堅壁至
黎明奮擊連破金竹青岡箐虎跳關七寨十四日
酉陽宣撫冉御龍進攻官壩斬關直上復擒斬三

游兵幸制
始不敢出
攻

征考

百有奇。賊奔龍泉遁。蓋二捷有以牽之矣。初洪邊
宣慰宋承恩聘應龍長女貞惠及龍反承恩得請
兩臺絕婚。黔撫臣令率土兵三千協守烏江桃子
營。至是應龍遣楊珠等輕師遠襲。劫留園中。時二
月七日也。自徂冬至二月。所調延寧四鎮河南山
東天津滇浙粵西兵至者踵背相屬。土司如酉陽
石砭永寧天全鎮雄平茶邑梅水西久在防守。烏
蒙施州散毛容美永順保靖烏羅獨山等先後報
至。總督乃分爲八路。蜀分四路。一綦江以原任總

兵劉挺將。叅遊麻鎮等隸之。督以叅政張文耀。一
南川。以總兵馬孔英將。叅遊周國柱。宣撫冉御龍
等隸之。督以僉事徐仲佳。一合江。以總兵吳廣將。
遊擊余世威等隸之。督以叅議劉一相。一永寧。以
原任副將曹希彬將。受吳廣節制。叅將吳文傑宣
撫奢世績等隸之。督以叅議史旌賢。而中軍率標
下遊兵策應。川東總監以叅政張棟。川南總監以
叅政謝詔。楚黔亦分四路。總兵童元鎮。統土知府
龍澄。知州岑紹勲等。由烏江。叅將朱鶴齡受元鎮

節制。統宣慰安疆臣等。由沙溪。總兵李應祥。統宣慰彭元瑞等。由興隆。而偏橋分兩翼。總兵陳璘。統宣慰彭養正等。由白泥。副總兵陳良珌。受璘節制。統宣撫覃宜等。由龍泉。以偏橋江外爲四牌。江內爲七牌。五司遺種。及九股惡苗。盤據故也。督餉紀功。烏江。則叅議梅國樓。沙溪。則副使洪澄源。總監以按察使楊寅秋。興隆。則副使尤錫類。監以叅議張存意。而白泥督餉。以叅議詹啟東。紀功。以副使王應霖。龍泉督餉。以副使陳與相。紀功。以副使路

雲龍監以按察使胡桂芳叅議魏養蒙其黔楚巡撫郭子章駐貴陽支可大移沅州部署已定總督大集文武於重慶盟神作軍誓登壇慷慨期二月十二日分道竝發每路兵約三萬出師之盛近所希有先是蜀玉壘山忽裂會謂昔年平九絲地數動殆播平前兆云曾未再浹旬而綦江捷至綦江自東溪入播竝峻嶺茂箐楠木山羊蘭臺等峒奇險爲賊目穆炤等盤據劉將軍縱於十五日進兵連戰破三峒三月朔楊朝棟等統苗數萬分三路

迎敵鋒銳甚。我師夾攻數陷陣。朝棟大驚潰圍走。
幾爲我獲。始綦江諸苗自分往屠城。罪不赦。又賊
忌綦威名。冀首挫其鋒。屬親子悉勁兵間道相角。
曰爾破綦江。馳南川。盡焚積聚。渠無能爲也。及朝
棟僅以身免。賊膽破。益爲守禦計矣。而諸路捷音
相繼。南川則酉石二司先登。初八日。遂尅桑木關。
烏江則壩陽永順兵先登。十一日。遂尅烏江關。翌
日。尅河渡關。陳將軍璘及副將陳寅擊四牌賊。各
披靡。遂奪天都三百落。諸圍賊連敗。乃乘隙出奇。

兵前突烏江。詐水西瀧澄會哨。益誘永順兵。斷橋淹死。我師無算。

水西交絕
使張常能
鳴犬

上怒童元鎮失律。逮至京。或飛語水西佐賊者。總督檄詰。水西不自安。會賊殺其頭目。澄大恨。二十
六日。賊託田氏脩好。賄澄。澄斬其使。治兵相攻。安
疆臣亦執賊二十餘人。明不背漢。自是二氏交絕。
劉將軍綏戰九盤。以二十九日入婁山關。是爲賊
前門。萬峯插天。中通一線。我師從間道攀藤魚貫
毀柵入。四月朔。屯白石。應龍身率各苗決死戰。陰

令楊珠等抄後山奪關四面合圍都司王芬中流矢死劉將軍親勒騎衝堅以遊擊周敦吉守備周以德分兩翼追奔至養馬城與南川永寧路協攻連破龍爪海雲險固且壓海龍固而壘海龍固賊所倚天險飛鳥騰猿不能踰者也時偏沅巡撫都御史江鐸已抵任視師陳將軍璘急攻以十三日破青蛇固安疆臣亦以十六日奪落濠關至大水田焚桃溪庄賊勢急父子相哭上固死守每路通降文誘我師總督檄賊詭降卽斬使焚書無爲所

給虞綬與應龍舊檄無通。賊綬械其入軍門自明。而吳廣以朔三日入崖門關。營水牛塘。與賊力戰三日。卻之微利。欲受降。弛攻。賊詭令婦人於國上拜表痛哭。云田氏且降。復詐爲應龍仰藥死。報廣。廣輕信。按兵不動。已覘知田氏詐降。緩攻。而所云應龍死。乃川兵攻圍。以火炮擊死。所謂楊珠也。珠勇善戰。旣死。賊慟如失一手。廣覺詐。益厲兵協攻。燒二關。奪三山。絕賊樵汲。八路兵大集。圍下。從十八日始築長圍。更番迭攻。自是賊坐困窮崖。知兵

在頸矣。會總督聞計。跌而草檄。愈治軍。念賊圍前。陡絕。勢難飛越。令馬孔英以勁兵一枝壁其前。餘併力攻後。圍營中。或言水西通賊。因移令退。剗水西懼。曰。吾不爲亡播續也。與鎮雄引嫌。先以五月廿八日。拔營去。時久雨。士苦馳淖中。六月四日。天忽開朗。五日。劉將軍縱身先士卒。遂破土月二城。應龍窟。是夜散數千金。募死士拒戰。諸苗皆駭散。無應者。起提刀自巡其壘。見四圍營火燭天。徬徨長嘆。泣謂妻子曰。若等自爲計。吾不能復顧若矣。

翌日凌晨我師遂登固破大城各將爭奪首功。龍倉皇同愛妾二闔室縊且自焚。吳將軍廣獲首子朝棟及妻田氏急覓屍出焰中。廣中火毒失聲幾絕頃而甦。總計出師至滅賊百十有四日。八路共斬級二萬餘。生獲朝棟兆龍等百餘人。檻車傳致。以六月二十一日解俘重慶。計賊去歲破碁江亦以是日。天道好還。良不誣云。總督露布以聞。疏首述劉將軍縱功冠軍。而司李高折枝以書生請自將土漢兵爲南川將士先入關最早。尤雄偉不

羣。譽。不。容。口。是。歲。冬。十。二。月。獻。俘。闕。下。大。司。寇。

請。到。應。龍。屍。磔。朝。棟。兆。龍。等。市。梟。示。各。夷。并。戮。田。
氏。馬。千。駟。其。宋。承。恩。以。先。絕。姻。釋。勿。誅。播。入。楊。氏。
八。百。餘。年。至。應。龍。凡。二。十。九。世。始。以。其。地。分。爲。二。
郡。屬。蜀。者。曰。遵。義。屬。黔。者。曰。平。越。遵。義。領。州。一。真。
州。改。真。安。州。卽。古。珍。州。縣。四。遵。義。綏。陽。竝。故。縣。桐。
梓。舊。爲。夜。郎。縣。仁。懷。舊。爲。懷。陽。縣。平。越。領。州。一。黃。
平。改。置。州。爲。川。貴。要。區。縣。三。湄。潭。餘。慶。而。甕。水。重。
安。合。爲。雍。安。縣。龍。泉。所。改。縣。屬。石。阡。又。專。設。播。州。

兵備使。駐遵義。置威遠衛。建學增驛。烏言并服。竝
洽華風矣。其地西南左接水西。右通永寧。犬牙相
錯。水西向侵播州。水煙天旺。及它甌脫頗衆。蜀黔
爭執經界數年始定。後三年甲辰正月。叙播功。進
總督李化龍少保。兵部尚書。廕一子世錦。衣衛指
揮使。貴州巡撫郭子章。陞右都御史。兼兵部侍郎。
偏沅巡撫江鐸。贈兵部侍郎。各廕一子。世錦。衣衛
指揮僉事。湖廣巡撫史可大。復原官。廕一子入監。
總兵劉綎。陳璘。孫陞。左都督。廕一子世本。衛指揮。

使馬孔英授都督同知。加實職二級。世襲。吳廣李應祥子。竝世襲本衛正千戶。李應祥贈左都督。餘陞賞有差。已故監軍司道張棟。楊寅秋。各贈太僕寺卿。廕一子入監。安疆臣。龍澄。母鳳氏。各賜金紵絲表裏。前兵部尚書田樂。廕一子世錦衣。與戶部尚書陳渠。趙世卿等。各賜金幣。新總督王象乾。賜金并飛魚服。署本兵刑部尚書蕭大亨。改兵部尚書。於原廕加級。世襲。賜金蟒。職方郎中申用懋。候巡撫缺。推用。前逮治總兵童元鎮。已謫戍。得開伍。

議者以國家用兵西南夷。未有大得志者也。國
初傳友德統二十四將軍。止言防守。正統間。麓川
之役。用兵十五萬。轉餉半天下。而罪人終逸。嘉靖
初。思田之役。以勦始。以撫終。至今爲諸夷口實。是
役。征調兵凡二十萬。出師甫踰百日。計三省征勦
防守。約二百萬。而逆酋授首。關要荒爲郡邑。遂爲
西南一大奇捷。非
皇上獨斷。督臣宣力。當不至此。或曰。應龍井蛙耳。
何能爲。獨不勝匹夫之忿。與其屬爲難。徂於中朝。

直今應龍
心服

宣論故轍。時繫時釋。時勦時撫。一逞於白石。再逞於飛練。三逞於綦江。以爲漢終不奪我搆事。無過一撫完局。乃敢螳臂當車。蓋至天兵四集。而酋頓足知悔。晚矣。檻虎阱猿。死不擇音。然猶竭天下之全力。環而攻之。以山壓卵。其愁不剋。而我亦已疲甚。事莫不鐸於微。而成於激。方酋雛伏。以一太守單騎幸臨。皇遽請罪。及其鴟張。以入路。五將軍之師相持數月。殺人如麻。僅乃剋之。誰生厲嘴。得不償失。蓋考楊酋。察其終始。信怨毒于人。爲甚也。前

始囚繫重慶踰年。弭耳乞憐。豈有意反者哉。
天子至仁。且武方命。再三赫然徂征。貪功妄殺。自
始用兵。已拳拳申飭矣。初賊已破碁江。僞軍師孫
時泰說賊欲圖大事。先取重慶。直搗成都。房
王入營爲質。時蜀無重兵。鼓行而前。三巴且幾不
守。幸賊自顧巢穴。計不出此。我得乘間厚集王師。
及川兵四路入關。賊始悔失策。歛兵一處。殊死衝
突。已無救于滅亡。掌大蠻崖。狠天作仇。覆不旋踵。
豈非天哉。國家十餘年間。更三大征。千里轉餉。

西事凡費二百萬。東事首尾七年。踰七百萬。是役亦踰二百萬。而調兵獨最廣。疲中國。空內帑。以事鳥夷。獸夷。白骨山積。海內騷動。計非王者得已。而或者猶侈言開疆斥土。以播駕說。抑獨何與。外史氏曰。初楊酋獻俘。余以計偕。劉下。目擊其事。已更從大司馬長垣李公游。讀所著平播全書。詳哉言之也。應龍反狀。實激使然。而我以招安爲多方之誤。潛濟師以逼之。師未出而勝畫備矣。况切水西以剪其翼。外援旣絕。不亡何待。聞劉將軍

縱故驕恣。往與應龍交權甚昵。及抵師。卽糾叅戴
罪。督其後効。蓋亦得將將微權焉。兵者。臨敵制變。
未可輕嘗。是役以衆當寡。爲功差易。或謂應龍終
以智免。其然。豈其然乎。

寧夏古雍州域秦屬北地漢爲朔方郡東起鹽場
西盡中街東南距河爲險北倚賀蘭爲固稱四塞
焉成化以前虜常犯河西自虜入套河東三百里
皆敵衝嚴冬踏冰直犯夏秋則用渾脫浮渡且取
道賀蘭山後往來莊涼矣本鎮所轄八路河西五
路○北平廣洪廣○南玉泉○西中街廣武河東三路中
街○東花馬池興武營並稱要害云

陝西三邊東延綏西甘肅獨寧夏鼎峙甘延間藩屏固原河東逼套中諸虜河西逼山後諸虜

正德間有外邊嘉靖以來增築內邊

長城西起靖虜界迤北接賀蘭山循大河而南又東至定邊界凡周千一百七十里


黃河爲中國害而寧夏獨受灌溉之利本鎮西南一百四十里有硤口兩山相夾河經其中自賀蘭山東北經東勝復入中國由綏德而南注焉


倭地形類琵琶。東高西下。九州肥前。肥後。豐前。豐
後。筑前。筑後。日向。大隅。薩摩。居西爲首。陸奥。居東
爲尾。山城。居中。乃彼國都。西北至高麗。必由對馬
島開洋。南至琉球。必由薩摩州開洋。其貢舶必由
博多開洋。歷五島而入中國。及回。徑收長門。若入
寇。則隨風所之。大抵其來恒在清明後。利東北風。
故防倭。以三四五月爲大汛。九十月爲小汛。

東至延安界

東南至慶

本鎮邊界東自延緩邊起西至固原鎮邊止沿長一千八百餘里





東北至毛人

東

白沙地

陸縣州

領九郡

此處出金

相摩州

領八郡

武康州

領十四郡

伊豆州

領三郡

常陸州

領十二郡

安房州

領四郡

山羽州

領十二郡

上總州

領四郡

下總州

領十一郡

遠江州

領五郡

佐渡州

越後州

領七郡

下野州

領六郡

三河州

領五郡

越中州

上野州

領九郡

甲斐州

領四郡

此名三河

領十五郡

越前州

領十二郡

信濃州

尾張州

領二郡

河內州

領四郡

能登州

領四郡

飛騨州

領三郡

領十三郡

人和州

領十五郡

領九郡

東南至女界



月氏國界

長門州

領五郡

日向州

領八郡

領六郡

白沙塗

領五郡

大隅州什摩鳥思連七鳥

領十四郡

筑後州

領十三郡

薩摩州

白沙塗

此州領處
一百八十里

領四郡

領十四郡

肥後州

領三郡

伊岐州

長尾縣馬

有馬島

男島

大 海 洋 界

西 北 至 朝 鮮 國 界

日本島夷入寇之圖

界遼東

山東


淮楊

新西

浙江

界建福至南西






沿海從南而北自廣至遼
 紆集八千五百餘程徑直
 七千二百餘里自安南至
 朝鮮萬三千餘里界



遼東連
朝鮮圖



日本國

馬島

東

建州府地



日本四面瀕海去遼東遠去閩浙近向入寇唯陸
摩肥後長門三州人居多

倭好絲綿磁器之屬尤重醫及茶亦好書畫五經
則重書禮而忽易詩春秋四書則重論語學庸而
惡孟子

播州西連焚道。南極群荆。重山複嶺。爲禹貢梁州之境。天文井鬼分野。其俗敦龐。業耕殖射獵。信鬼好詛。婚姻以銅器。毬刀弩矢爲禮。燕樂以銅羅鼓。橫笛歌舞爲樂。會聚尚漢服。出入背刀弩自衛。土產斑竹。文龜。斑布。丹砂。犀角。雄黃。茶。蜜。鼈。楠。杉。獐熊。

北至其

東至貴州偏橋衛界

貴州

龍昌驛

谷里驛

貴州
威清驛

水西驛

貴州
節制兵
驛駐此

永寧衛
驛駐此

陸廣驛

黃水驛

杉水驛

三屯驛

貴州
洪武驛

貴州
威清驛

落環堡

制生驛

貴州
清平衛

重安長官司

烏江驛

沙溪驛

金華石堡

走馬驛

大府

貴州

東水安撫司

黃子安撫司
向有重慶
通判駐此

昌田驛

備驛
備驛

木艾驛

龍驛

海廟

於野驛

合江驛

石門驛

南至貴州

江縣界

興隆街

草塘安撫司

白泥長官司

岑黃驛

石阡府

餘慶長官司

南府

貴州提學司

仁水驛

車站土站至
橋連出俱險

洞洋驛

岑黃驛

綏川縣

貴州長官司

南川縣

武隆縣

永安驛

綏川驛

桐梓驛

松坎驛

涪州

東溪驛

百節驛

安遠驛

綏寧驛

江津縣

重慶府

養龍坑界

西至合江縣界

初成化間楊輝疏保少子友以宣撫管凱里司諸苗嘉靖時降安撫司屬貴州及播平改流而凱里安撫楊燧爭執疆界查燧係應龍從叔再降長官司

楊鑑一作楊鏗今以一統志全蜀土夷考爲據